



Comune de Turalva

Ala de sos Servìtzios Sotziales

ALA: ALA DE SOS SERVÌTZIOS SOTZIALES

Responsàbile: Dott.ssa Margherita Manuela Soro

DETERMINATZIONE: N.529

In die: 25-11-2020

DETERMINATZIONE DE S'ALA N. 202

OGETU: CONTRIBUTOS REGIONALES PRO SU DERETU A S'ISTÙDIU ANNU 2020. "Bursa de istùdiu, a.i. 2019/2020" e "Bonu libros de testu, a.i. 2020/2021". APROVATZIONE BANDU E MOLLOS

BIDU su Decretu Sindacale n.7 de su 30.10.2020 per mesu de su cale s'est numenadu su Responsàbile de s'Ala Sòtziu-Assistentziale, Isport e Istrutzione Pùblica;

BIDA sa deliberatzione de su Consìgiu Comunale n.6 de su 20/03/2020 sa chi tenet che ogetu "Aprovatzione de su Documentu Ùnicu de Programmatzione 2020/2022" (artt. 151, 170, comma 1 de su D.lgs. n. 267/2000);

BIDA sa deliberatzione de su Consìgiu Comunale n.7 de su 20/03/2020 sa chi tenet che ogetu "Aprovatzione de su Bilàntziu de Previsione Finantziàriu 2020/2022" (artt. 151, 174 de su D.Lgs.n.267/2000 e art.10 de su D.Lgs.n.118/2011);

BIDU s'art. 107 de su Decretu Legislativu n. 26 tituladu "Testu Ùnicu de sas Leges subra s'Ordinamentu de sos Entes Locales";

BIDA sa Delìbera de sa Giunta Regionale n.56/51 de su 13.11.2020 sa chi tenet che ogetu: "Atziones de sustentu a su deretu a s'istùdiu pro s'annu 2020 L.R.25.6.1984, n.31, L.R.9.3.2015, n.5, L.23.12.1998, n.448", per mesu de sa cale sa Regione Autònoma de Sardigna at cuntzertadu sas atziones de sustentu a su deretu a s'istùdiu 2020 pro sos istudiantes residentes in su territòriu regionale, peri sos interventos sighentes:

1. Bursa de istùdiu cunforme a sa lege regionale n.5/2015 destinada a sos chi ant abitadu in s'annu iscolàsticu 2019/2020 sas iscolas pùblicas primàrias e secundàrias de primu gradu e secundàrias de segundu gradu (francu sos benefitziàrios de sa Bursa de istùdiu natzionale - a.i. 2019/2020), chi nch'istant in famìllias ue s'ISEE non sobrat sos 14.650,00 èuros. Sa Bursa at a èssere cuntzèdida dae sos Comunes de residèntzia a sos istudiantes, partende a manera uguale sos fundos a disponimentu intre sos benefitziàrios, sena tènnere in contu s'iscola abitada, intro su lìmite màssimu de 200 èuros per bursa.

2. Frunimentu a indonu o mesu a indonu de sos libros de testu cunforme a s'artìculu 27 de sa lege n.448/1998 (bonu libros) pro sos istudiantes chi in s'annu 2020/2021 ant abitadu in sas iscolas secundàrias de primu e segundu gradu chi nch'istant in famìllias ue s'ISEE non sobrat sos 14.650,00 èuros. Su bonu at a èssere cuntzèdidu dae sos Comunes de residèntzia a sos istudiantes, partende sos fundos a disponimentu segundu bia proportzionale, a tenore de sos gastos ritènnidos ammissìbiles, pro s'achistu de libros, intro su lìmite màssimu de custas ispesas pro cada benefitziàriu.

BIDA sa Determinatzione 698 de su 23/11/2020 (prot.n.14374) dae su Direttore de su Servìtziu de sas polìticas iscolàsticas de sa Regione Autònoma de Sardigna per mesu de sa cale si sunt assignadas a su Comune de Turalva risorsas finantziàrias pro unu totale de €3.070,00 chi gasi si sunt divididas:

- €1.040,00 pro sa bursa de istùdiu (Allegadu n.2-Det.RASn.698/2020);

- €2.030,00 pro su bonu de sos libros de testu (Allegadu n.1-1a-Det.RASn.698/2020).

BIDOS sos “inditos operativos” aprovados dae su direttore de su Servìtziu de sas políticas iscolàsticas (Allegadu n.3 – Det.RAS n.698/2020) cun sos cales sa Regione at postu dispositziones obligatòrias pro sas atividades istrutòrias e pro sos critèrios de assignare sos contributos in ogetu e tentu in cunsideru chi sos Comunes de sa Regione de Sardigna divent:

1. publicare s’Avisu pùblicu pro sas famìllias residentes in su territòriu pròpiu, impreende su mollu “Fac-simileAvviso”;
2. pònnere a disponimentu de sa tzitadinàntzia sos mollos, dende sas informatziones mínimas cara a su protzedimentu;
3. Retzire sas dimandas intro de su tèrmine de su 30 de Nadale 2020;
4. Istruire sas dimandas lòmpidas protzedende a s’aprovatzione de sos elencos de sos istudiantes ammitidos pro sos interventos sìngulos;
5. Ammaniare sos pagamenti pro sos istudiantes beneficiàrios de sa Bursa de istùdiu regionale de su Bonu libros;

BIDOS sos mollos publicados dae sa R.A.S. e sos inditos de presentare sas dimandas e compilare sos mollos

BIDU s’art. 177, comma1e2, e s’art.107,de suD.Lgs.n.267/2000;

DETERMINAT

1. **DE FÀGHERE PRÒPIOS** sos critèrios generales de impreu de sas summas prevididas dae sos pianos de compartire de sa R.A.S., cunforme a sa Deliberatzione de sa Giunta Regionale n. 56/51 de su 13.11.2020, sa chi tenet che ogetu “Atziones de sustentu a su deretu a s’istùdiu 2020 L.R. n.5 25.6”.

2. **DE APROVARE**

- S'AVISU PÙBLICU\CONTRIBUTOS PRO SU DERETU A S'ISTÙDIU 2020 (Allegadu "A" pro assignare sos contributos sighentes;

- SU "MOLLU RECHESTA";

- SOS "INDITOS OPERATIVOS" (Allegadu "C") aprovalu dae sa R.A.S.;

3. **DE ACAPIARE** a s'àutu presente su Bandu tzitadu e sos mollos pertocantes, pro nde fàghere parte integrante e sustanziale;

4. **DE ISTABILIRE** che tèrmine ùrtimu de presentare sas dimandas su chi s'est fissadu dae sa R.A.S., diat èssere su **5 DE NADALE 2020**;

5. **DE LEARE IN CUNSIDERU** chi su gastu totale est de **3070 €**, at a èssere totu cobertu dae subentziones cuntzèdidas dae sa R.A.S. comente inditadu in sa premissa e imputadas a su Bilàntziu comunale;

6. **DE LEARE IN CUNSIDERU** chi:

- su Bandu at a èssere publicadu in pare a sos mollos pertocantes, in su situ de su Comune <http://www.comune.torralba.ss.it/>

- chi, cunforme a sos òbligos de publicatzione de su provedimentu presente in su situ internet de su Comune de Turalva, Setzione "Amministrazione trasparente", prevididos eventualmente in su D.Lgs 14 de martzu 2013 n.33 ims, su sutascritu responsàbile de s'Ala intestada si impignat a dare cara a custu e a ammaniare sa publicatzione de sos datos e de sas novas rechesta a onni efetu de lege;

CÒPIA CUNFORME a s'originale de sa determinatzione presente, pro sos cumprimentos de cumpetèntzia eventuales e pro connoschèntzia, s'est trasmitida a s'Albu Pretòriu online pro 15 dies consecutivas dae sa data de publicatzione.

Su Responsàbile de s'Ala

Dott.ssa Margherita Manuela Soro

